

四庫全書存目叢書編纂委員會編

齊魯書社

四庫全書存目叢書

集部
第二六八冊



責任編輯：孫言誠 賀 偉

ISBN 7-5333-0615-5



EB55/09

四庫全書存目叢書·集部二六八

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 54.125 印張

1997 年 7 月第 1 版 1997 年 7 月第 1 次印刷

印數 1 100

ISBN 7 5333-0615-5

Z·60 集部定價：127800 圓

集部第二六八冊目次

集部·別集類

近道齋文集六卷詩集四卷附錄一卷

〔清〕陳萬策撰
湖北省圖書館藏清乾隆八年刻本

一

白田草堂存稿二十四卷附行狀一卷崇祀鄉賢錄一卷

〔清〕王懋竑撰 附 王箴聽等撰
青海省圖書館藏清乾隆刻本

一七二

秋水堂遺集六卷

〔清〕莊亨陽撰
福建師範大學圖書館藏清嘉慶二十一年刻本

四六七

綠蘿山房詩集三十二卷文集二十四卷(一)

〔清〕胡浚撰
中國社會科學院近代史研究所藏清乾隆刻本

六四三

近道齋文集六卷詩集四卷

附錄一卷

〔清〕陳萬策撰

湖北省圖書館藏清乾隆八年刻本

附《四庫全書總目·近道齋文

集六卷詩集四卷》提要

近道齋全集序

文以載道不名一家有以臺閣傳者有以山林傳者
鋪揚德業鴻麗典重臺閣之文也棲息巖壑鏘鏘
光山林之文也工臺閣者於唐如韓許公張燕公權
文公於宋如晏元獻周益公輩結體雄健冠絕一時
工山林者於唐如孟浩然張籍賈島盧仝於宋如林
逋魏野真山民輩命意清微流韻千古二者各擅其
長非可強而兼亦非可貌而襲也以予觀前宮詹晉
江對初陳先生所撰近道齋詩文並館閣詩文諸集
近道齋集 序

則又嘆兼之者之更為難能而可貴也晉江為閩泉
首邑其山則齊雲寶蓋紫帽峯奇秀其水則彭湖
浚洲洛陽江渺瀰清泚山川鍾異代產碩儒而太邱
又其右姓先生稟受夙慧胚胎前徽經史百家無不
窮討根柢弱冠即有聲藝林後遊安溪李文貞公門
於濂洛關閩之書親承指授益探奧與旁及詩古文
淹洽該博山林著作早推絕特康熙戊戌成進士授
庶吉士距癸酉京北試則已二十六年矣心志專一
朝夕績學不懈而益進於古又十年游歷宮端凡殿

廷制誥廟堂碑版朝奉勅而午奏御捷若馳騁湯若
 泉注迺復肅括工贍舉他人然吟髭含腐豪鏃戶
 精積旬日而始就者先生如成誦在胸借書於手高
 文典册上埒馬枚一時後進翕然宗之則又推先生
 為臺閣鉅手矣予為諸生時與先生忘年友善先生
 館選後三年予亦濫廁詞苑同撰應制文章叨先生
 教獨深記同直西清聯袂接席先生每有著作必出
 以相示且屬為序後先生抱病邸第自知不起願申
 前請今又十年矣先生當釋褐前詩文稿多不自收
 近道齋集 序 二

拾戊戌後所撰益富往往散列史館未定卷帙今嗣
 孝廉冕世始為詮次將付之剞劂會謁選來京師索
 踐前諾因綴數語使讀先生文者知臺閣山林體撰
 雖殊思致則一彼區區焉抱類標門又何能測先生
 之底蘊哉是為序

乾隆八年四月朔嘉興侍生錢陳群頓首拜題

近道齋文集目錄

卷之一

疏

請編輯大禮記注疏

覆庶吉士在館廩餼等疏

劄子

條陳湖南事宜劄子

謝補詹事劄子

陳教士實教劄子

近道齋集 目 一

謝教習庶吉士劄子

表

擬

上加意遠方會試中額查照到部人數取中謝表

會試

擬大禮記注表

擬闕里聖廟告成慶雲現瑞

特恩加鄉會試中額謝表 庚戌會試擬作

頌

萬年寶歷頌

策問

甲辰科湖南鄉試策問

丙午科浙江鄉試策問

論

心性論

中西算法異同論

卷之二

序

近道齋集

目

湖南鄉試錄後序

浙江鄉試錄序

詩所後序

史緯序

孝昌涂先生靜用堂書序

文與也詩集序

武進趙公治楚官書序

學使高公德政詩序代

晉江劉邑侯德政詩序

筍江陳氏族譜序

仙跡黃氏宗譜序

榆村程氏族譜序

陰隲文序

培荆堂序

清峰施君壽序

江陰楊公壽序

青陽吳公壽序

徐任可先生六十壽序

近道齋集

目

王和文七十壽序

徐君瑞章六十壽序

徐君潛昭五十壽序

族兄永年八十壽序

大宗伯蔚州李公壽序代

高太翁壽序代

葛玉璽壽序代

趙母關太夫人壽序

湯母遲太孺人八十壽序

三

吳太君七十壽序

徐母陳太孺人六十壽序

張母胡孺人壽序

曾母陳太君壽序

方母仰孺人七十壽序

鄭母陳太君壽序

卷之三

題跋

大禮記注恭跋

近道齋集

目

四

讀劉蛻禹書上

北海亭跋

跋文簡黃公傳後

跋咫亭詹公行狀奏疏

跋咫亭詹公奏疏

跋溫敬齋書

書朱貞女傳後

書方禹功傳後

書魯仲連遺燕將書後

題呂紀畫

題畫

題仙姑廟

記

潞河書院記

泉州會館碑記

閩省南郡全建天后廟碑記

蔡氏家廟碑記

左都御史管左翼稅務三公德政碑記

近道齋集

目

五

浙江提督吳公海運記

薰風樓記代

臨漳縣學重建明倫堂碑記代

中項進香記

卷之四

傳

李文貞公傳

張湜溪先生傳

施襄壯公家傳

施得江先生家傳

施勇果公家傳

弟兆弘君傳

孝婦李孺人王氏傳

節烈陳衍娘傳

曾節母呂氏傳

卷之五

狀

考庶子公行狀

近道齋集

目

六

晉江張侯遺事狀

長者遺事

墓誌銘

伯兄孝廉繼齋公暨嫂劉孺人合葬墓誌銘

仲嫂孫孺人墓誌銘

伯姊墓誌銘

側室余氏墓誌銘

慕恩伯憶園鄭公墓誌銘

黃攜園墓誌銘

馬侯乾菴公墓誌銘代

經亭公墓誌銘代

神道碑

都統舒穆魯公神道碑

卷之六

祭文

祭吏部余太翁文

祭許不器年伯文

祭少司寇李老師文

近道齋集

目

七

祭遂寧張相國文

祭少宗伯梁村祭公文

祭大宗伯李公文

祭李君世文文

祭黃攜園文代

祭中山王文代

祭馬伏波文代

祭朱總憲太翁文代

祭大司農趙公文代

祭安溪相國文代

祭文

祭蔡少宗伯夫人文

祭崔母劉太宜人文

祭張孺人文

祭蔣相國杜夫人文代

祭醴院太夫人文代

銘

靜鏡軒銘

近道齋集

目

八

贊

關侯贊

大士贊

盧孝子贊

林節婦陳氏傳贊

自題五十畫影贊

妹倩林爾保行樂圖贊

從女弟行樂圖贊

王和丈行樂圖贊

石安人行樂圖贊

表姪芬夫行樂圖贊

附

壽陳子對初

安溪李光地

畫錦堂稱觴序

青陽吳襄

晉江陳公家傳

錢塘汪由敦

近道齋集

目

九

近道齋文集卷之一

晉江陳萬策謙季甫著

疏

請編輯大禮記注疏

臣等謹

奏為

聖孝純誠禮儀隆備允宜編輯記載以立人倫之極事歛

惟我

皇上大孝性成至仁天亶事

近道齋集

卷之一

聖祖仁皇帝寢門侍疾則親嘗湯藥不止問安視膳之儀內

殿承歡則養志晨昏實備愉色婉容之德自

先帝龍馭遐升暨

聖母聖與先逝我

皇上交付託之重繼述維虔懷顧復之勤哀思倍切隆冬

盛暑不釋於攀號春露秋霜時殷於孺慕念

遺徽而隕涕感動臣隣撫

手澤以含悽思深梧捲至誠盡性行人子之所難行

大孝尊

備史書之所不備問歲時之屢易瞻戀逾深竭心力以

遺織毫無憾

睿旨所降則纏綿懇惻動天地而格鬼神大禮所垂則詳

悉精微考前王而教後世至於用人行政之際尤深

紹聞衣德之思繼成憲以彌光酌舊章而盡善是以

兩間昭應庶彙呈祥瑞烏飛繞於階除蒼草叢生於

陵阜

蒲筵每設雪花披縞素於千林

靈域初為雲氣見光華於五采惟

近道齋集

卷之一

仁孝冠古今而首出故徽符與上下而同流臣等日侍

軒墀欽瞻儀典竊惟自昔聖人之行具在於孝經悼史

所書遵之為禮教我

皇上至性彰於言動敷皇極之訓行精意著為典章立人

倫之規矩理應簡擇詞臣詳為編輯以昭示子孫永

垂法則配六經而並耀縣萬祀以流芬臣等選得光

祿寺少卿杭宜祿原任翰林院侍講學士南泰為滿

文纂脩官左僉都御史兵隆元中允陳萬策編脩汪

德容吏部主事劉兵龍為漢文纂脩官恭候

奏請爲此謹

奏

奏

覆庶吉士在館廩餼等疏

臣等謹

奏伏惟我

皇上御極以來弘開四門興賢拔俊隆施異數有加無已

靡一事之才凡屬下帷之士莫不感頌興起願奮發於

近道齋

老之一

時茲以新科庶吉士

特頒諭旨屬望諄切冀其學臻有成文堪致用而且

睿慮詳密籌及廩餼

聖恩優渥千載難逢臣等敢不謹遵

諭旨悉心經畫謹查得翰林院堪住房屋僅有二十二間

今科庶吉士人數衆多勢不能容臣等再四思維就

於切近躡訪得翰林院衙門之南地名東江米巷有

空曠官房一所通共一百幾十幾間若給與庶吉士

甚屬寬裕其門戶窓榻及椅棹器皿應用之物恭候

下之日臣等移咨工部脩理製造又議得舊例庶吉士

在館肄業者每日有酒肉鹽炭之給因歷科俱各安

邸寓並未在館故此例停給已久今酌議得在館肄

業之庶吉士每月加增給銀幾兩臣等再有請者諸

庶吉士草茅寒素家鮮藏書長途跋涉亦難攜帶今

即思買置括括實難恭懇

聖恩將武英殿等處所有

在館皇帝刊刻書籍俯照臣等開列書目各檢一部並新刊

上諭滿漢文各一部俱行頒發到館伊等既起居有地廩

近道齋集

卷之一 四

儀有資無復求安求飽之患以摻累其懷而又獲覽

藝林之大觀見所未見聞所未聞志念專壹耳目靡

聞臣等整竭蕪陋不時策勵自必沈潛講習不敢因

循玩愒庶幾所學日進將來稍有成就以仰副

聖明指示遵行謹

奏

劄子

條奏湖南事宜劄子

臣謹

奏臣奉

命典試湖南恭遵

諭旨將所見聞條列具

奏

一湖南雨澤已足秋田必豐一路二麥收成湖北河南皆十分河北及直隸之大名廣平七八九分不等順德正定保定皆十分秋苗亦已布野民間含哺鼓腹歌咏

近道齋集

卷之一

五

聖澤倘蒙

皇恩敕諭撫臣告戒小民敦尚儉樸禁止花費則家家蓄積有餘裕矣

一湖廣食鹽每包之價長沙至一錢七八分武昌一錢五分德安至二錢以上因鹽船來漢口者無多買鹽殊不易得致價直浮於原定之數民間甚苦淡食僻遠去處尤甚似應速為設法多行鹽船以給小民日用之需
一湖南當吳三桂竊踞時有內地居民不肯從逆且

避其虐政遂逃入苗徭籍內者今聞此等多有求歸民籍似宜令地方官察實聽其改籍為民因加撫恤則來歸者必衆當日守義之民復胥遊光天化日之下矣

一熟苗熟徭原有就試入學之例但當時嚮學者尚少所議之處未廣

聖朝德化翔洽近年讀書者已多聞有屢求就試而地方官以原議未及不敢代為上請似宜一體收羅並准應試以弘

近道齋集

卷之一

六

國家懷遠敷文之化

一洞庭湖為楚南要地臣回時由舟行以觀其形勢湖面寬濶極目無際中間並無島嶼盤互可以藏匿之所現今湖無伏莽舟楫穩行臣查得洞庭入口之處東自長沙西自常德其出口之處北在岳州此三處俱在洞庭咽喉常德岳州既俱設有水師守備其長沙之湘陰地方似應調撥附近弁兵添設水師一營以資鎮防此三處均令時駕小船往來巡查如遇風濤兼可作救生船似於地方有益

以上數條係臣見聞所及伏乞

聖鑒謹

奏

謝補詹事劄子

臣謹

奏為恭謝

天恩事切臣聞海末學才識疎淺幸際

聖時

皇上龍飛御極臣於詞臣之中首被

近道齋集

卷之一 七

召見

鴻恩優建雍正元年十二月恭膺

簡命典試湖南二年閏四月回京

召見養心殿

天顏溫霽顧問移時七月蒙

恩擢授左中允三年三月蒙

恩擢授侍講六月蒙

恩擢授侍講八月蒙

恩擢授侍講學士未效涓埃之報本月二十二日蒙

恩署理

日講官起居注官茲又奉

侍旨陳萬策補授詹事府正詹事兼翰林院侍讀學士欽

此伏念臣由忝列編脩在衙門撰擬文字仰荷

聖學高深垂賜教誨臣不勝感激誠服又荷

天恩屢加拔擢未及二年遂登三品自昔詞臣遭遇之隆

未有如臣者臣感戴之情銘刻肺腑非言詞所能達

非筆墨所能宣惟有罄竭愚陋殫心所職冀仰酬

高厚之萬一耳為此具摺叩

近道齋集

卷之一 八

謝臣謹

奏

陳教士實效劄子

臣謹

奏為謹

首密陳事臣伏觀我

皇上軒食宵衣以審官求賢為務皆堯舜之用心也今日

之賢才既切於搜求將來之賢才宜預於教育其在

詩曰周王壽考遐不作人又曰濟濟多士文王以寧

先之以教育而後收得人之效也教士之道在乎務實學敦本行訓之六經所以務實學也迪之五倫所以敦本行也經明行脩斯可以為士矣今試士以四書五經而沿襲已久士子所習止於時文未能篤志覃思以講求精蘊而欲望其明體達用宜其鮮也竊以為宜令學臣於考試時有能諷誦經文講解其義者若文字通順生員即與補廩童生即與入學有通二經三經者更加獎勵果係博洽通儒許其上疏特薦以備

近道齋集

卷之一

九

聖明采擇如是則競勸於學古而不但以咕畢時文為事必有明體達用之士出於其中矣且國家所求乎士者非以文詞為尚欲其脩身蹈道得之于心者皆見之所行也今鄉舉里選之法久廢但以場屋文字為去取雖言為心聲其理相應然於表章實行之典尚為有闕竊以為宜令學臣於按臨所至察訪士子中有克敦孝弟謹飭言行者加意獎勵其行誼尤篤舉望最著者歲科兩試每次咨送一人到吏部恭候皇臨軒召見量材器使如是則競勸於實行而不但以

文詞浮靡相誇必有脩身蹈道之士出於其中矣夫上之化下捷若影響使四海之內靡然向風知經明行脩之貴則務實學敦本行者比肩相望於以收濟濟多士之效夫豈遠乎臣迂陋之見不審當否輕塵睿覽不勝惶恐戰越之至 臣謹

奏

謝教習庶吉士劄子

臣謹

奏為恭謝

近道齋集

卷之一

十

天恩奉本月初十日奉

旨鄂爾奇阿山任蘭枝方苞著教習庶吉士陳萬策亦著

協同教習欽此同日奉

旨陳萬策補授翰林院侍講學士欽此切臣學業荒疎性

姿輕率幸生

感時叨蒙

知遇歷來仰荷

皇上矜宥包容教誨成就之

鴻恩皆曠古未有之際會今且一

皇綸玉署華寶已為忝竊至於三品以下之員而忝預教

習斯實

皇上格外隆施稽之往日從所未聞夢寐之中亦不到此

豈意臣之菲材得膺自昔詞臣未膺之榮寵臣萬分

慚惶萬分感激非筆墨所能寫其誠非口舌所能宣

其悃惟有罄竭愚庸追隨諸臣之後殫心勉力庶效

涓埃酬報

高厚于萬一而已為此具摺恭謝

天恩伏乞

近道齋集

卷之一

十一

聖鑒臣謹

奏

表

擬

上加意遠方會試中額查照各省到部人數取中謝

表 戊戌會試

伏以

皇朝教教倬雲漢于重霄

聖世宏文樹風聲于四極音傳梧樹窮山 結羽皆鳴浪

漲桃花荒澗之纖鱗亦奮士林有喜盛典希聞臣等

誠惶誠恐稽首頓首上言竊惟王者之心無外包六

合以為家聖人之道至公闢四門而求俊鄉閭之選

既大備于周官郡國之徵亦長行于漢代隋尚賦詩

之體而相沿于唐家宋更制義之科而復詳于明室

顧惟上林春早長傾葉以迎暉乃若忝谷寒多誰吹

聲而迎暖一枝先遠僅傳助教之詩百軸爭奇莫問

拾遺之句遂使槐花黃處蕭條遠客之心杏葉紅時

惆悵長途之駕未有廣開鐵網式昭樂育之恩大振

近道齋集

卷之一

十一

金鑰用定均平之制如

今日者也茲蓋伏遇

皇帝陛下

凝圖肅穆

受命溥將

永言孝思虞舜之必得其壽

迪茲彝教周文之遐不作人固已萬里車書共菁莪之

雨露六經義例揭竹素于日星矣猶

念校士雖分南北之區而題名未必邇遐之徧藍田日暖

則瓊瑤爭獻于階前合浦川遙則珠珎尚沈于水底
家園萬里驚夢蝶之翩翻橫樹千重羨鸞翰之浩蕩
况工師求大木多深山窮壑之中如貢使有奇珍在
朔雪炎風之界稽其人散職司南省之官酌以大中
欽定東堂之制蓋古人之里選原不廢於窮鄉若貢士自
諸侯亦何分於遠服大宛產馬都為天廐之良空谷
生蘭堪伴禁園之卉從此遐陬僻壤不少吟哦白屋
青燈盡成講誦

恩光及遠仰日月之照臨

近道齋集

卷之一

古

文運彌開慶風雲之際會臣等技媿雕蟲才非養豹雞
聲茅店會經道里之艱馬跡槐街幸列班聯之貴霞
燕鎖棘觀

鳳詔之頒來雷擊枯株喜龍門之化去敢不共思報效

益矢貞堅伏願

乾行不息

離照長懸

文彌煥于堯階兆占奎府

澤永均于禹甸瑞正台符則影映朝陽咏周詩之藹吉

先生俊旦賡虞陛之明良為鳳為麟皆

聖主得賢之應如山如阜頌

皇王備福之徵臣等無任瞻

天仰

聖激切屏營之至謹奉

表稱

謝以

聞

造大禮記注表

近道齋集

卷之一

古

伏以

皇王建極道光百行之原

聖主作師禮立萬年之則慎徽五典溥

至德於寰區佐佑六經紀

鴻聲於冊府是關治化宜勒簡編臣等誠惶誠恐稽首頓

首上言竊惟受乾坤降中之性惟人獨得其純酬父

母罔極之恩惟聖克全乎孝肇興書契攸敘彝倫美

天質之神靈必推本行語帝功之魏煥爰始家庭由

近而推堯化乃流於光被雖潛必耀舜名用至于升